

# Carer Payment (Isplata za njegovatelja)



We speak your language 📞 13 1202

## Carer Payment – Bosnian

Carer Payment je pomoć za osobe koje stalno njeguju odraslu osobu s teškom invalidnošću ili dijete s najtežim stepenom invalidnosti.

### Zahtjev za isplatu Carer Payment možete podnijeti ako stalno njegujete:

- osobu od 16 ili više godina koja ima fizičke, intelektualne ili psihijatrijske smetnje, i kojoj treba stalna njega ili njega na duže vrijeme; ILI
- dijete s najtežim stepenom invalidnosti mlađe od 16 godina: ILI
- dvoje ili više djece mlađe od 16 godina s teškom invalidnošću kojoj je, skupa, potrebno jednako puno njege kao jednom djetetu s najtežim stepenom invalidnosti; ILI
- odraslu osobu s invalidnošću i njihovo zavisno dijete (mlađe od 6 godina ili mlađe od 16 godina a za koje se prima Carer Allowance).

### Osoba o kojoj brinete:

- mora imati trajni boravak u Australiji ili dozvolu za trajni boravak;
- mora živjeti u Australiji u vrijeme kad dobiva njegu;
- mora primati neku od isplata socijalnog osiguranja ili Service Pension (Penziju za vojne veterane); ILI
- ne može steći pravo na isplatu socijalne skrbi niti na Service Pension samo zato što u Australiji nije živjela dovoljno dugo; ILI
- primanja i vrijednost imovine joj moraju biti ispod određenog nivoa za primaocce specijalne njege (vidite u brošuru koji se granični iznosi trenutno primjenjuju).

Ne možete istovremeno primati Carer Payment i još neku drugu isplatu socijalnog osiguranja, kao na primjer Age Pension (starosnu penziju). Da biste dobili Carer Payment, primanja i vrijednost imovine za vas i vašeg partnera ne smiju prelaziti određeni nivo, a isto se odnosi na osobu koju njegujete.

Da se odmorite od svojih njegovateljskih obaveza, imate pravo na zamjenu do 63 dana godišnje, a da pri tom ne izgubite svoje isplate. Isto tako, u svakoj kalendarskoj godini možete otići u inostranstvo do 13 sedmica, zajedno s osobom koju njegujete. Osoba koju njegujete može provesti i do 63 dana u bolnici a da to ne utječe na vašu isplatu.

Da lakše ostanete u vezi s radnom sredinom imate pravo do 25 sati sedmično raditi na plaćenim ili neplaćenim poslovima, pohađati neku obuku ili se školovati.

### Kako da predate zahtjev za Carer Payment?

Formular za podnošenje zahtjeva možete dobiti u svakoj kancelariji Centrelinka ili ako nazovete 13 1202. Može vas se pozvati na intervju o vašem zahtjevu i može se tražiti da podnesete medicinsku dokumentaciju o osobi koju njegujete.

### Predavanje zahtjeva telefonom

Centrelink razumije da je ljudima koji nekog njeguju često teško da odu u kancelariju Centrelinka, pa se zahtjevi za Carer Payment mogu predati i preko telefona. Ako se pismeni zahtjev podnese u roku od 14 dana od tog poziva, isplata može biti datirana unatrag do tog dana (ovaj rok se po potrebi može produžiti).

Za više informacija na bosanskom, nazovite 13 1202\* ili posjetite našu Internet stranicu na [www.centrelink.gov.au](http://www.centrelink.gov.au)

\* Pozivi na brojeve koji počinju sa "13" se mogu obaviti sa standardnih telefona iz svih dijelova Australije po cijeni koja nije viša od cijene lokalnog razgovora (cijene razgovora se mogu razlikovati kod različitih telefonskih kompanija). Pozivi na brojeve koji počinju sa "1800" su besplatni. Pozivi iz javnih govornica i sa mobitela se mogu naplaćivati i po višoj tarifi.

[www.centrelink.gov.au](http://www.centrelink.gov.au)



Australian Government

